



Broj: 03/3-50-1-9-19/10
Sarajevo, 25.03.2010.

Z A P I S N I K
19. sjednice Zajedničke komisije za ekonomske reforme i razvoj,
održane 20.05.2010. godine

Sjednica je počela u 13.00 sati.

Sjednicom je predsjedavao g. Zoran Koprivica, predsjedavajući Komisije.

Sjednici su prisustvovali: g. Hazim Rančić, g. Adem Ibrahimpašić, g. Božo Ljubić, g. Ivo Miro Jović, g. Bajazit Jašarević, gđa. Ljiljana Milašin, gđa. Azra Hadžiahmetović, gđa. Vesna Šain, g. Mehmed Suljkanović, članovi Komisije.

Sjednici su prisustvovali, u ime Ministarstva vanjske trgovine i ekonomskih odnosa BiH, g. Dragan Milović, pomoćnik ministra, u ime Ministarstva industrije, energetike i rudarstva RS, g. Milan Cvijić, u ime USAID – Projekat jačanja Parlamenta, gđa. Lada Mujkić, u ime Sektora za odnose sa javnošću g. Zoran Brkić, te g. Nenad Pandurević, sekretar Komisije za vanjsku i trgovinsku politiku, carine, saobraćaj i komunikacije Doma naroda PS BiH i g. Amer Bekrić, sekretar Zajedničke komisije za ekonomske reforme i razvoj.

Za sjednicu je predložen i jednoglasno usvojen sljedeći sljedeći

D N E V N I R E D

1. Usvajanje Zapisnika sa 18. sjednice Zajedničke komisije
2. Razmatranje Prijedloga zakona o promociji malih i srednjih preduzeća i preduzetništva u Bosni i Hercegovini u skladu sa članom 110. Poslovnika Predstavničkog doma i članom 104. Poslovnika Doma naroda
3. Tekuća pitanja

Ad.1.

Usvajanje Zapisnika 18. sjednice Zajedničke komisije za ekonomske reforme i razvoj

Zapisnik 18. sjednice Zajedničke komisije za ekonomske reforme i razvoj je jednoglasno usvojen.

Ad.2.

Razmatranje Prijedloga zakona o promociji malih i srednjih preduzeća i preduzetništva u Bosni i Hercegovini u skladu sa članom 110. Poslovnika Predstavničkog doma i članom 104. Poslovnika Doma naroda

G. Koprivica je dao uvodne napomene o Prijedlogu zakona o promociji malih i srednjih preduzeća i preduzetništva u Bosni i Hercegovini. Postupajući u skladu sa zaključkom Predstavničkog doma sa 73. sjednice, od 10., 16. i 23. marta 2010. godine, te zaključkom Doma naroda sa 44. sjednice, od 09. i 19. aprila 2010. godine, Zajednička komisija za ekonomske reforme i razvoj je dana 28.04.2010. godine organizirala održavanje Javne rasprave o Prijedlogu zakona o promociji malih i srednjih preduzeća i preduzetništva u Bosni i Hercegovini.

U roku utvrđenom poslovnica oba Doma PS BiH, Zajedničkoj komisiji dostavljena su tri amandmana poslanika Bajazita Jašarevića, jedan amandman delegata Zorana Koprivice, pet amandmana poslanika Vesne Šain i tridesetpet amandmana poslanika Azre Hadžiahmetović.

Obzirom na odredbe Poslovnika oba Doma, kojima je predviđena mogućnost da, pored toga što Komisija glasa o predloženim amandmanima slijedeći redosljed članova na koji se odnose, kao i mogućnost da, u slučaju izuzetno velikog broja amandmana, predsjedavajući može narediti drugi način rasprave, osiguravajući da se sva politička mišljenja mogu korektno izraziti, predsjedavajući je predložio da se o amandmanima glasa po redosljedu njihovog pristizanja, s čime su se složili i ostali članovi Komisije, **nakon čega se i pristupilo glasanju utvrđenim redosljedom.**

U okviru Prijedloga zakona jednoglasno su usvojena tri amandmana poslanika Bajazita Jašarevića, jedan amandman delegata Zorana Koprivice, te pet amandmana poslanika Vesne Šain, koji postaju sastavni dio Prijedloga zakona o promociji malih i srednjih preduzeća i preduzetništva u Bosni i Hercegovini.

Obzirom na nepostojanje proste većine glasova članova Zajedničke komisije koji su prisutni i koji su glasali, tridesetpet amandmana poslanika Azre Hadžiahmetović nije usvojeno.

Nakon završetka glasanja o svim predloženim amandmanima, glasalo se o Prijedlogu zakona u cjelini, koji je prihvaćen sa devet glasova „za“ i jednim glasom „suzdržan“.

Ujedno, za izvjestioca pred Domom naroda određen je delegat Zoran Koprivica, a pred Predstavničkim domom poslanik Bajazit Jašarević.

Ad.3.

Tekuća pitanja

Pod tačkom dnevnog reda Tekuća pitanja, g. Bekrić je informirao prisutne o učinjenim pripremama za realizaciju planirane posjete Republici Bugarskoj (Parlamentu i odborima nadležnim za pitanja ekonomije, reformi i razvoja), u organizaciji USAID – Projekta jačanja Parlamenta.

Sjednica je završena u 14,30 sati.

Sekretar Komisije

Amer Bekrić

Predsjedavajući Komisije

Zoran Koprivica